


bah nehv ah.

4. Meehf soeuh: Ahv Boeuhv meehf soeuh doohv
meeh urhv meh.
Zahv Oeuhf meehf soeuh seehf gkohxf
tahv urh meh.
5. Oeuhv lauhv: Zahv oeuhf oeuhv lauhv zurhf lahxv
urh meh.
Zahv mah lahxv hkahv chehf urh
meh.
6. Boeuh loeuh: Ahf Soeuhf ahv poeuhv lawf rgahv
nahf boeuh loeuh deehv urh meh.
Ahv mah boeuh loeuh shurh tahv layf
urh meh.
7. Jahf oeuhv: Ahf Rgoeuh jahf oeuhv deehv meehf
ah.
Meehv Dtoeuhxv jahf oeuhv tayf sahf
nahf hahv loohxv meh.
8. Oohv Choeuhf: Ahv dah hkahv tsehxf oohxv choeuhf
zurhf lahxv meh.
Ahv mah oohxv choeuhf mahxv

choeuhf ah.

oeih: Bohxv Dzaw Urh:

1. Nyoeihv oeihxv: Oohxv chjeehxv paw, nyoeihv oeihxv mauhf meh.
Ahv kahv zahv nyoeihxv oeihxv nyehxv awf byahv doohf bpahxv meh.
2. Koeihv soeihxf: Nyohv chayv koeihv soeihxf ahf mawf zaw meehf ah.
Nyohv chayv koeihv soeihxf ahf mawf zawf behxv lahxv nyah.
3. Ngahv jyoeihxf: Ahv yehf teehv mahxv ngahv jyoeihxf yauhv eehf ah.
Ngahv jyoeihxf chooh mmv dzahv urh mahxv lohxv layf ngah.
4. Noeihv noeihf: Ahf kah kah hkmmv noeihv noeihf noeihf-urh meh.
Noeihv noeihf noeihf day mah-ohf', lehf ahv boohf shahf urh meh.



5. Dauhf doeih: Oohxv yehf yehf lay mawxv nahf
dauhf doeih ahf jeehf mauhf lahf
meh.
Murhv Surhv zahv dauhf doeih mahv
dzahv ah.
6. Choeihf loeihf: Oohxv byah byah mohv mohv ngeh
choeihf loeihf baw urh meh.
Choeihf loeihf tayf sahf gahv lahf nahf
rgawv shahv gahv lahf urh meh.
7. Choeihf doeih: Shahv dauhv teh zahv choeihf doeih
baw-awf shahv teh teh urh meh.
Choeihf doeih tayf sahf gahv nahf,
bawf tsauhv jayv zahv goohxf urh
meh.
8. Choeihv doeih: Nyawv nahf urh tsawf hahv auhf
choeihv doeih lehf koohf urh meh.
Ahv kah zahv choeihv doeih nahf
gahf, zawf goohxf ah.

uuh: Bohxv Dzaw Urh:

1. Nuuh mah: Ahf Huuhv nuuh mah mahxv sahfangah.
Meehv Shuuhf nuuh mah mahv jahv ah.

2. Hkahv zuuhv: Ahf Buuhv hkahv zuuhv dzoeuhv gahf gahv urh meh.
Boohf Shuuhf hkahv zuuhv joeuhv gahf goohxf duuh duuh ah.

3. Ahv kuuhv: Lawv Guuhf urh ahv kuuhv tsehxy nyah.
Ahv mah ahv kuuhv zahv zurhf lahxy ah.

4. Tauhv kuuhv: Guuhf Tsehxy tauhv kuuhv lahxy rgaw auhv urh meh.
Boohf Gkuuhxf neh tauhv kuuhv shahv jeehf shahv mmv mmv tahv urh yawf kuuhf nyah.

5. Buuhf kahv: Mmv yehf yehf lay myahf. Buuhf kahv zurhf eehf mah.
Buuhf kahv ahv chawv neh beeh hkoeuhv ngah.

6. Shmmf kuuhf: Lehxf auhf shmmf kuuhf mahv auhv
ngah.
Shmmf kuuhf mahv jyahxf nahf bah
jayv auhf yah beeh dtehxf meh.
7. Nuuhf gawv: Ahf Duuh neh nuuhf gawv dzurh xv urh
zawf zeeh xv ah.
Meehv Muuh urhv nuuhf gawv mahv
pahf muuhv meh.
8. Buuh kah: Rgoeuh Dzuuhxf buuh kah zurhf lah xv
meh.
Ahv kahv zahv buuh kah mahv
gooh xv nyah urh meehf neh, murhv
auhf Yah zurhf meh.

aih: Boh xv Dzaw Urh:

1. Haihv: Yaw haihv jayv mahv yah mmf ah.
Yaw haihv jayv mmf urh tsawf hahv
guuhv lauhv mahv baw ah.
2. Paihv: Paihv nuuhf rgah urh jayv rgawv myah
gkawxf jyahxf urh meh.

Yaw kawf ehf shahv eehf mawxv nahf,
paihv deehv awv lehf dawv dahv
jyahxf urh meh.

3. Laih, laihxv:

Sauhv boh xv dzaw urh zawf laih xv
nyah.

Mmf shahf gahf mahv leh jeh neeh,
“laih meehf ah” lehf dteh xv ehf tohf
tohf ehf jawf urh tsawf hahv ahf gauh
durhv meh.

4. Naih:

Nawf naih xv jyahxf awv.

Ahv leeh auhf naih bpuuhxf nehv awv
peehv ahv.

5. Taihv:

Taih v meehf hkauhv yaw byawv meh
jayf.

Taih v meehf hkauhv auhf bai xv
mahv auhf nahf mahv chauh nyah ah
jayf.

6. Saihxf:

Teehv zeehf sai hxf teehv zeehf byohxf
lay jeehf urh ngahf.

Teehv ghkoh xv sai hxf teehv ghkoh xv



leh jeh dahxf layxv kahf burhf.

aoh: Bohxv Dzaw Urh:

1. Sahxf Baohv: Nawf sahxf baohv dzeehv haw mahv lohf?
Sahxf baohv ahv eehv mahxf lahxf shahxf auhf chauh urh lawv lawv mah meh.
2. Mahf Baohv: Mahf baohv ahf seehv yaw kuuhf meh.
Mahf baohv ahf bawf yaw myahv myahv ehf kah yawv.
3. Daohf: Jawv Bah meehf tsahv auhf daohf deh xv meh.
Daohf ahf nyohxf jeehf dzahv nyah meh.
4. Yaoh, zaoh: Ahv dah hkehv jeehf pehf hkauhv pehf pyahv zaoh zaoh-ehf ngahf lah.
Jawf mah meehv lohf peeh deeh peeh dauhv yaoh yaoh ehf yawf haw muuhv ngah.

5. Laohf: Laohf meehf hkauhv auhf ahv kahv
zahv jawf urh meh.
Laohf tsawf jurhv ahv beehv chmmv
loh xv ehf doohf layf urh meh.

6. Baoh: Sauhv pahv durhv ahv baohv yawf
huuhv meh.
Yaw dawf dawf-ehf deh xv urh tsawf
hahv, baohv auhf urh meh.

ahm: Boh xv Dzaw Urh:

1. Mahm: Mahm meehf hkauhv meehf muuhv
yawf muuhv meh.
Mahm meehf hkauhv lah xv hkoeuhf
tsawf jurhv rgawv myah neeh jawf urh
meh.

2. Yahmf: Yahmf tsawf jurhv lah xv oh xf meehf
hkauhv paw jawf urh meh.
Yahmf tsawf jurhv jawf gahf yah mah
jawf myahv urh meh.

3. Chahmf: Nymm f tsoh xf nahf chahmf yah

gkahxv urh meh.

Nymmf nyoeuhf dauhv auhf chahmf
yah gkahxv durhf urh meh.

4. Yahmv: Jawf lah yahmv ahv zauhf shahf
yahmv meh.

Yehf rgauhf yahmv ahv, mmf dzahv
ghkawxv dawf urh ahf yahmv meh.

5. Dahmv: Meehv yehf auhf dahmv urh jayv ahv
meehv yehf auhf dahmv nehv yawv.

Dzahv urh mahxv jyahxf gahf dahmv
urh mahv jyahxf nyah ah.

6. Kahmv: Mahv tsahv mahv dawf urh jayv auhf
sahf keehf tahv kahmv.

Dahv choeuhf kahmv choeuhf urh
tsawf hahv guuhv lauhv huuhv urh
meh.

11. Ahv chawv urh ahf bohxv neh guuh kah dtohxv urh:

1. Dteehxv 20 Nyeehv tsayf

(1 = dteehxv, 100 = teehv)

2. Nyeehv	30 Smmv tsayf
3. Smmf	40 Oeuhv tsayf
4. Oeuhv	50 Ngahv tsayf
5. Ngahv	60 Gkohxv tsayf
6. Gkohxv	70 Sheehxv tsayf
7. Sheehxv	80 Yehxv tsayf
8. Yehxv	90 Rgoeuhv tsayf
9. Rgoeuhv	100 Teehv yahf
10. Tsayf	200 Nyeehv yahf
11. Tsayf dteehxv	1,000 Teehv tauhf
12. Tsayf nyeehv	10,000 Teehv myehf
13. Tsayf smmf	100,000 Teehv hkahmv
14. Tsayf oeuhv	1,000,000 Teehf juuhf
	10,000,000 Teehv duuh

Ahv kahv gkohxv yahf ahv kahv

Boeuhf lawv gkohxv tauhf ahf boeuhf

Mahm tsayf nyeehxv rgohxf hkahmv

Lahxv buuhv tsayf nyeehxv muuhf juuhf mmf jayf

Shoeuhv mmv rgoeuhv lah ahv lauhf

Meehf tayf rgoeuhv lah ahv rgohxv haw ngeh mahv jeehf ahf

12. Ghkohxv dtohxv, nauh dtohxv, lah dtohxv:

- | | |
|--------------|------------------------------------|
| 1. Yawf | 1. Tauhf Lah - Jawf Lah |
| 2. Myohxv | 2. Jawf Lah - Rgehv Lah |
| 3. Yah | 3. Rgehv Lah - Boeuhv Zohxv |
| 4. Kuuhv | 4. Boeuhv Zohxv - Hkmmv
Shuuhxv |
| 5. Zahxv | 5. Hkmmv Shuuhxv - Tsahv
Ngawv |
| 6. Hoh | 6. Tsahv Ngawv - Rgauh Lah |
| 7. Nyohv | 7. Rgauh Lah - Tsayf Lah |
| 8. Hkah lahv | 8. Tsayf Lah - Chawv Lah |
| 9. Tauhv lah | 9. Chawv Lah - Zaw Lah |
| 10. Lauhv | 10. Zaw Lah - Seehv Yehxf |
| 11. Shehf | 11. Seehv Yehxf - Nauhv Yehxf |
| 12. Mauhv | 12. Nauhv Yehxf - Tauhf Lah |

Teehv ghkohxv bah lah tsayf nyeehxv seehv bah lah teehv seehv smmv tsayf nauh lehf dtohxv urh meh.

13 nauh byauh lahf nahf teehv nauh jawf lehf koohf awf, nyeehv nauh jawf nahf 25 nauh lehf dtohxv urh meh.

13 ghkohxv ghkawxf lahf nahf teehv yay lehf yay awf, nyeehv yay byauh lah nahf 25 ghkohxv lehf dtohxv urh meh.

13. Yaw zurh baw urh lah xv hkoeuhf yah koohf urh tsawf myauhf:

1. Ahv poeuh meehv yehf
2. Ahv poeuhv ahv peehv
3. Ahv Dah
4. Ahv Mah
5. Ahv uuhxv
6. Ahv zawf
7. Ahv rgoeuh
8. Dzoehv mah
9. Chjeehxv mah
10. Peehf mah
11. Nyeehf pahv
12. Shahxf mah
13. Ahv poeuhv
14. Ahv Bawf
15. Ahv peehv
16. Ahf Dohxf
17. Ahv nyeehf
18. Ahv Yuuhxv
19. Ahv muuh
20. Ahv Hkohv
21. Boeuhf mawv
22. Ahv shauhv
23. Ahv Tsooh
24. Ahv Doohf



25. Cheehf mah
26. Ahv zahv
27. Ahv mawv
28. Ahv chehv
29. Ahv chauh
30. Oeuhf Hkahv
31. Ahv nmmf
32. Ahv yehf
33. Zahv mah
34. Zahv oeuhf
35. Tsuuhxv yehf
36. Nyeehf mah
37. Baw Gawv
38. Mehf nmmf
39. Boohf dohxf
40. Oeuhv pahv
41. Oeuhv mah
42. Oeuhv lehv
43. Oeuhv nmm lehv
44. Ghkahxf mah
45. Pyahxv
46. Jawf 'Bpahf
47. Lahv Jahv
48. Boohv sehfv

Tsawf mawv tsawf ghkahxf ahv yuuhxv ahv tsooh durhv auhf, koohf pahv koohf jyahxf tsawf myauhf hurh durhv neh yah koohf urh meh. Hurh loh xv ehf mahv koohf nahf, ahv dah ahv mah mahv mehv mahv tsohxf urh zah leh, dehv lahf urh meh. Tsawf pahv tsawf chah chah-awf yah koohf urh tsawf myauhf durhv meh.

14. Ahv poeuhv lawf urh:

1. Hkmmv shuuhxv hkmmv meehf mmf urh
2. Lawf kauhv mmf urh
3. Meehf sauhf lawf urh
4. Chehf kah ahv poeuhv lawf urh
5. Hkmmv peehv lawf urh
6. Yehf koohv dzahv urh
7. Zaw lah ahv poeuhv lawf urh
8. Yah chjeehxf ahv poeuhv lawf urh
9. Kahf yehxf ahv poeuhv lawf urh
10. Nyehxf bauhf ahv poeuhv lawf urh
11. Chehf nmmf ahv poeuhv lawf urh
12. Gahf tauhf ahv poeuhv lawf urh

Tsawf Mawv Dawv Dahv

(An Old Saying)

Hoohv lawf shoeuhv mmf kahf
Kahf chawv kahf seehv lawf
Rgauhf law dzeehv kauhf beehf
Beehf chawv beehf seehv bawv
Nauhv lawf lahxf sahf jayv
Jayv chawv jayv seehv yahv
Mahv lawf mahv shehf, mahv bawv mahv beehf
Mahv yahv, mahv dtawxf nahf
Ahv kahf zahv oeuhv kahv chooh hkehv auhf
Yah yurh-mmf, meehv-ohf yoh-ohf day.

Chapter 4

Shahv Zauhv-auhf' Mahv Seehv Nyah Urh:

Ahf Myohxv

(Children's Stories)

Gahf hooch, bawf tsauhv jayv yavh durhv dawv ngehv nyah neh jawf, lahv hkahv yaw ghkahxf-ehf' chehf nyah urh ahf myohxv teehv mawf jawf urh meh. Noeuhv shahv urh jayv lehf teehv jayv eehv mahv baw neeh meh xv lahf nahf ahf seehv pyahxf dzahv, yaw tsahf tsahf lahf nahf uuhf chjoohxv dzurhxv, nuuhf rgah dehxf urh nahf ahf bawf hkoeuhf dtahxf yoohxv lehf sahf lehxf neeh deh xv loohxv urh meh. Ahf bawf dahxf nyah urh meehf neh, ahv chawv gkawxv lahf gahf ghkawxv mahv goohxf neeh deh xv nyah urh meh.

Ahv yawxv nehv-ehf nuuhf rgah lay urh chawv durhv urh lahxv hkoeuhf neh, teehv durhv ahv yawv jawf nah, "shahv myahf", "shahv myahf" lehf tohf gahf teehv hkehv mahv tahv neeh yah gahv urh meh. Shahv nyah lehf ehf urh turh dawv auhf ahv yawxv teehv jyohxf ehf eehv mahv noeuhv shaw nyah ah. Turh meehf neh, ahv yawxv urh chawv, teehv rgahv mahv doeuh mahv doeuh auhf nahf hahv eehf urh meh. Ehf ghkawxv ahv yawxv nuuh hkauhf sheehf neeh teehv rgahv eehv mahv meh xv nehv



nyah ahv.

Turh meehf neh, yawv nauh nah, ahv yawxv auhf shahv yauhv urh gahf gkawxf yaw mahf mahf lehf jah nehv nyah urh tsawf hahv bpohxf loohxv meh. Teehv nauh, ahf bawf nahf shmmf auhf, nuuhf loohxv urh ahv bawf teehv bawf yah mawf urh meh. Ahv bawf hkoeuhf rgahv jawf gahf chjehxf rgeh eehxv hawf, shahv zauhv ehf urh ahv, ahv jayv auhf koohf tah lehf nahf hahv eehf urh meh. Ahv bawf hkoeuhf rgahv jeehf, yaw beh ahv, zauhv layf hawf, mehv nauh ahv uuhf neh, mahf deedf shahv zauhv mawf mawxv seehv nyah mawxv nahf, yawv yawv nauh ahv yawxv jawf gahf oeuh day, ahv yawxv byahv nehv mah lehf ehf nehv hawf, beeh rgohxv eehf urh meh.

Yawv yawv ngeh nauh, ahv bawf rgahv pehf zurhf teehv zurhf lahxv hkoeuhf, teehv jayv pahv dawxf auhf tahv hawf, bpahxv chjooxv tahv hawf neh ahf myohxv hkoeuhf mawf auhf lohxv loohxv urh meh. Ahf myohxv hkoeuhf mawf oeuh gkurhxf nahf pehf zurhf hkoeuhf bahxv nehv hawf neh ehf nehv urh ahv. “Hehv hurh ahv, nawf mawf mawxv duuh duuh urh shahv zauhv lehf koohf urh hkoeuhf meh. Ehf ghkawxv hurh gahf mahv yah pauh haw ah. Pehf zurhf turh bahxv awf bawf tsahv hurh eehf dzurhf nahf deh mah gkurhxf lay meh. Deh mah urh gauhf cheh eehf gkurhxf nahf, pehf tauhf turh pauh hawf neh, nawf mawf mawxv

urh shahv yauhv auhf haw yawv. Hkoeuhf gahf yah mawf dtehxv ah.” Lehf ehf nehv urh meh. Ahf myohxv hkoeuhf mawf jeehf, pehf zurhf hkoeuhf yaw kauh ghkawxv, lahv hkahv teehv chehf bahxv hawf, koohv pyoohf jooh neeh eehf urh meh. Nahf tsa hf ghkawxv tsohxv, gahf mauhf ghkawxv kahv lehf rgeh meehf, rgahv doeuhf doeuhf duuh duuh lahf neh dtehxv-ehf eehf gkurhxf urh meh. Ehf ghkawxv mawf mawxv urh nuuh mah auhf mahv rgurh nahv nyah meehf neh rgahv nahv mahv pahf nahv neeh pauh haw urhv meh.

Ahv yawxv pauh rgeh urh nehv-ehf, ahv kuuhv huuhv duuh duuh urh teehv mawf tsawv dohxf lahxv hawf, ahv yawxv auhf gkawxv urh lehf teh duuh duuh urh meh. Ngehf dzehev, pehf zurhf auhf rgawv myauhf neeh nyehxv auhf tahv-hawf’ gkahxv durhf tahv nehv urh bahf dah neh, nuuh mah pehf duuh duuh urh lahv hkoeuhf, ahf myohxv hkoeuhf mawf auhf gkawxv mawxv duuh duuh urh meh. Ahf myohxv hkoeuhf mawf jeehf, rgahv doeuhf doeuhf urh ghkawxv, mahv pahf rgeh nyah ehf’ ahv yawxv urh zeehf rgahf doohv yah chjehxf duuh duuh urhv meh. Deh mah gauhf cheh pahf eehf gkurhxf tahv urh meehf neh, chjehxf dahxf urh ahf bawf ghkawxv mahv jyahxf. Mahv beeh gkawxv seh xv urh rgahf doohv leh jeh duuh duuh hawf neh chjehxf hawf, bawf tsauhv auhf chjehxf gkurhxf hawf neh dtehxv-ehf ahf bawf auhf chjehxf dahxf hawf, nuuh sah f zah urhv meh.

Turh neh jawf, shahv zauhv ehf urh ahv jayv ngah lehf ahv yawxv yah mawf urh dtehxv ehf mahv ngurhf, chjehxf choeuhf urh meehf neh kuuhv neh mahv beeh gkawxv seh xv urh ah chjooxf dtehxv meehf neh, ahv chawv hkahf jawf gahf shahv zauhv ehf urh ahv jayv ngah lehf mahv pahf nahf hahv urh meh. Ahv yawxv urh chawv durhv, shahv myahf lehf tohf urh yah gahv nahf, yawv jawf nah, ahv yawxv ahv jayv chaw jaw nehv nyah ah lehf nahf hahv nyah lahf urh meh.

Ahf Nayf Zahv Nauhv Urh Gahf Gkawxf

Ahf hooch bah ahv mah teehv mah ooh xv mahxf lah xv hkoeuhf zahv smmf ghkoh xv peeh urhv meh. Ahv dah rgahv, turh loh xv ehf ahv nyeehf peeh looh xv urh myauhf lahf urh meehf neh, mahv shurhv mahv lauh choeuhf lahf hawf, tauhv tsmmf seehv durhxf eehf urh meh.

Ahv dah rgahv tauhv tsmmf seehv durhxf eehf urh lehf eehf dzurhf nahf, ooh xv mahxf lah xv hkoeuhf smmf ghkoh xv peeh urh ahv leeh teehv leeh deh xv lay-awf, nymmf ooh xv mohxf gah dohxf rgeh urhv meh. Ahv mah rgahv zahv gah seh xv urh meh lehf noeuhv-awf, haw eehf urh lehf eehf ngeh dawv dzmm rgoeuhv dtehxv dahxf gkurhxf lahf hawf jawf gahf yah mawf urh meh.

Ahf nayf zahv nauhv rgahv ahv yawxv urh ahv mah auhf yah mawf nahf, hawv meh xv nyah lehf ahv yawxv urh ahv mah auhf shahf dzahv urh meh. Ahv yawxv urh ahv mah neh hawv bauhv cheehv nehv hawf beeh dzahv nahf, ahv yawxv pyahv yawv rgahv nah dzahv urh lehf mmf tahv urh hawv dawv dtawxf looh xv, ahv yawxv teehv rgahv neh dteh xv-ehf dzahv jeehf shaw urhv meh.


Dzahv dehxf nahf, ahv yawxv urh ahv dah ahv gahf eehf ah lehf ahv yawxv urh ahv mah auhf nahf hahv doohv awf, ahv yawxv urh ahv dah hkahf eehf urh paw chaw teh rgeh urhv meh.

Ahv yawxv urh ahv dah jawf gahf ahf nayf ahv nauhv lay gkurhxf ngeh, ahv dah rgahv ahf bawf toohf looh xv urh meh. Hkoeuhf nahf ahv yawxv urh ahv dah auhf, ahv dah ohf lehf koohf chohv urh ghkaw xv, ahv yawxv urh zahv mahv ngurhf, ahv yawxv zahv mahv jawf lehf ehf ghkoh xv nehv urh meh. Ahf bawf lawf lay urh lehf rgeh lahf shaw urhv meehf neh chjehxf awv lehf ahv dah rgahv ehf ghkaw xv, nuuh zauhv mahv yah daw xv ahf, beeh lawf lay-awv, ahv yawxv bah xv mah lehf ahf nayf nauhv rgahv pahf ehf ghkoh xv nehv urh meehf neh ahv dah rgahv zauhv duuh duuh layf urh meh.

Mahv rgeh nyah-ehf, ahf bawf toohf lawf rgeh urhv nahf, zahv rgahv neh teehv bpohxf dteh xv ehf bah xv pooh neh ahf bawf auhf

bahxv urh ahv, ahv yawxv urh bahxv pooh auhf seehf sahxf ahf bawf oohxv lahxv neh beeh deh tsmmv urh meh. Ahv yawxv urh ahv dah, ahv rgawxv yoohf awf bpehxv dohxf nehv urh lehf rgeh ngeh, durhxf hahv neh law dohxf awv dah ohf lehf ehf urh meehf neh, durhxf hahv neh law dohxf nehv urh meh. Seehf sahxf ahf bawf hkoeuhf bawf auhf rgurh rgeh-awf, ahv chawv urh smmv tsayf gahf jawv jyahxf gahf rgurh tahv eehf urh meh. Hkoeuhf ngeh jawf, mawf nayf baw gahxv durhv mawf nayf rgawv myah teh-awf hkoeuhf gahf rgahv nahv nahv lay urhv meh. Ahv yawxv mahxv, ahf bawf hkoeuhf bawf auhf mawf nayf bpahxv urh lehf rgeh ngeh, ahf nayf nauhv ahv yawxv mahxv auhf mahv beeh bpahxv ah. Ahv jayv meehf neh ehf nahf, ahf bawf hkoeuhf bawf auhf ahv yawxv rgurh-awf ohxv eehf urh lehf rgeh loohxv urh meehf neh meh.

Ahf bawf hkoeuhf bawf rgurh hawf ohxv eehf day lehf ehf gahf baw gahxv durhv yah gahv nahf, uuhf hawf ehf ghkohxv nehv urh meh. Ahv yahwxv ehf urh lohxxv-ehf ahf bawf hkoeuhf rgurh hawf ohxv eehf nyah nahf, ahv yawxv mahxv urh mawf nayf hkoeuhf durhv dawv dtawxf teh nehv jeehf mah lehf ehf urh lohxxv ehf, ahf bawf mah hkoeuhf bawf auhf ahf nayf nauhv rgurh hawf ohxv eehf nyah urhv bahf dah neh, ahv yawxv mahxv urh mawf nayf hkoeuhf durhv yah teh nehv jeehf urh meh.



Ahv leeh leeh zahv dtehxv ghkawxv, goohxf lahf pahv-ehf' mmf dohxf lahxv nyah urh meehf neh mahv chooh purhv urh jayv ngah lehf, ahv mah hawf ahv dah bawv dzahv urh meh. Ahv hah nyahxv ahv yawxv mahxv urh zahv auhf lah sehxv mawxv urh meehf neh, mehf shuuhf shuuhf hawf, nymmf tsohxf pahf urh rgahf doohv nymmf dahf kawv beeh shahf eehf urh meh. Nymmf dahf kawv shahf lohxv jeehf hawf, nymmf tsohxf ngeh nauh, jooH zurhf gurhxv urh hkawf zurhf yaw huuhv teehv zurhf jooH ngah seehv lehf ehf hawf, pahf beeh durhxf eehf urh meh.

Ahv yawxv urh ahv leeh lay dzurhf nahf jooH zurhf kah urh doohv hkauhv auhf yaw huuhv huuhv lehf hkauhv awf dahf kawv pawv jyehxv teehv hmvv doohv hkauhv auhf dawxf auhf tahv urh meh. JooH zurhf kah urh gkurhxf lahf nahf, doohv hkauhv auhf, auhf urh pawv jyehxv hkoeuhf hmvv ahv yawxv ahv leeh auhf hkehf neh beeh yoohf dohxf lahv eehf urh meh. Ahv yawxv urh ahv leeh doohv hkauhv auhf eehf gkurhf nahf, jooH zurhf neh kah tehv urh meh. Ahv yawxv urh ahv leeh kah tehv-awf', nymmf tsohxf rgahv nahf pooh tsawf mawv rgawv myah neeh koohf awf nymmf dahxf dahxf urh meh. Hkoeuhf ngeh meehf ahf nayf ahv nauhv urh ahv dah shahv zeehxf zeehxf urh meh.

Shahv zeehxf zeehxf ngeh jawf, ahv yawxv urh ahv leeh dehxv ngeh, hawv dzahv eeh mahv kuuhf uuhf dawf sheehv eeh mahv

dauhv nyah lehf zeehxf urh nahf, ahf nayf nauhv neh jooh zurhf auhf loohxf loohxf ehf tauhv loohxf nehv urh meh. Nymmf dahxf dahxf lay urh durhv, meehf loohxf loohxf nyah lehf ehf urh meh.

Meehf loohxf loohxf urh mahv ngurhf ah, ahv yawxv mah, lehf, ehf ehf ehf', ahf nayf nauhv tsawv dohxf lah xv hawf, ahv yawxv urh ahv dah auhf, ahv jayv rgeh urh turh loh xv-ehf zeehxf day lehf nahf hahv lahf urh meh. Ahv yawxv urh ahv dah jeehf, mahv rgeh nyah meehf, jeehf bahv dawf yeh xv-awf zeehxf urh nyah leeh ahv lehf ehf ghkoh xv nehv urh meh.

Jooh zurhf neh kah tehv urh ghkaw xv pahf rgoh xv dohxf lahf nyah urh meehf neh, chooh purhv urh zahv mahv ngurhf looh xv ah lehf ahv yawxv urh ahv dah ahv mah-awf, pooh tsawf mawv durhv ehf' lahf urh meh. Ahv yawxv urh ahv leeh auhf peehf yah ahv mah neh beeh dzahv urh mahv ngurhf nahf mahv lahf looh xv ah lehf noeuhv-awf, ahv yawxv urh ahv leeh koo hf neh, peehf yah ahv mah jawf gahf ahv yawxv urh jeehf dzohxf chaw ghkoh xv eehf nehv lah xv lehf hkehf urh meh. Hkoeuhf meehf neh ahf nayf nauhv rgahv peehf yah mah urhv meehf hkauhv auhf lay urhv meh.

Ahv yawxv lay looh xv ngeh gahf mah auhf, ahv kuuhf pawv tsuuh xv meeh nauhf dahv gurh xv-awf ahv lah xv ahv shmmf deehv

poohv gurh xv-awf shmmf dtehx f dtehx f looh xv urh teehv rgahv jawf urh meh. Hurh rgahv ah chjoohx f mahv gahf ngahf leh f haw-awf eehf looh xv ngeh, tsuuh xv yehf ohf, nawf ahv gahf lay tay leh f ngehv chawv lahf urh meh. Ahf nayf nauhv ghkaw xv ahv yaw xv ahv peehf yah ahv mah murhv auhf jeehf dzohx f chaw layf tay leh f ehf ghkoh xv nehv ngeh, ahv yaw xv ghkaw xv lahf mah leh f ehf awf', ahf nayf nauhv nehv-ehf teehv gkaw x f loh xv-ehf lay urhv meh.

Teehv hkehv lay rgeh lay xv nahf, lah xv ghkaw x f neh deh yahf tsehv looh xv urh teehv rgahv pahf yah mawf urh meh. Hurh rgahv ghkaw xv ahv yaw xv loh xv ehf, mahv gkurhx f ngeh nmmf mahv gahf ngahf leh f ehf-awf eehf looh xv ngeh ahv gahf eehf lay leh f ngehv chawv lahf urh meehf neh, peehf yah ahv mah murhv auhf jeehf dzohx f chaw layf urh mah leh f ehf ghkoh xv neh jawf., ahv yaw xv ghkaw xv lahf mah leh f ehf hawf, ahv hah nyah xv nehv-ehf pahf chaw teh rgeh urhv meh.

Ahv yaw xv mah xv peehf yah ahv mah murhv auhf lay gkurhx f awf jeehf jyohx f nahf hahv urhv meh. Hkoeuhf ngeh jawf, ahf nayf nauhv urh chawv hkoeuhf nyeeh xv rgahv, peehf yah ahv mah neh nuuhf tehv seh xv-awf teehv rgahv ahv chjeeh xv tsehv teehv rgahv ahv shawv tsehv leh f myauhf urh meh. Ahf nayf nauhv auhf ghkaw xv pahf nyeh xv awf, ahv yaw xv mah xv urh

rgahf doohv lahf urh ngahf, ah yawxv mahxv yah dzahv yah dawf dehxf ngahf lehf ehf ehf-ehf”, lahv hkahv chehf duuh duuh urhv meh.

Hkoeuhf ngeh jawf, peehf yah ahv mah yaw huuhv rgahv neh, tsawf hahv urh shahv jeehf dzahv urh rgahf doohv oeuh uuhxv jeehf awv lehf koohf nahf, teehv rgahv ahv, ah kuuhf dturhvx lay, teehv rgahv nah, oohv doohv dturhvx lay lehf ehf ehf ehf”, oeuhv lauhv meeh chehf yawv jayv nah yoohf awf oeuh uuhxv jeehf urh meh. Turh lohvx-ehf oeuh uuhxv jeehf urh nahf, ahf nayf nauhv toohf lahf awf, lahvx noeuhf neh tehv tehv-ehf”, peehf yah ahv mah durhv auhf beehv dzeh nehv jeehf urh meehf neh, ahv yawxv mahxv haw goohf duuh duuh eehf urh meh.

Hkoeuhf meehf neh, jeehf dzohxf mahv jyahxf ghkawxv, pyoohf teehv lohvx teehv byauh beehxv nehv urh meh. Ahf nayf nauhv jeehf pyoohf hkoeuhf durhv, ahv yawxv urh nahv bawf hkauhv auhf shehxf oohf jeehf-awf, ahv yawxv urh ahv dah ahv mah jawf gahf ohxv eehf urh meh. Eehf kauhf ohxv gkurhxf eehf urh nahf, pyoohf shehxf auhf urh rgahf doohv teehv jayv jayv cheehv hkmmf layxv lehf ahv yawxv urh ahv mah auhf ehf urh meh. Ahv yawxv urh ahv mah, hkah poohv cheehv hkmmf nehv ghkawxv yaw’ dteehf ngah lehf ehf, hkah jyohxv cheehv hkmmf nehv urh ghkawxv yaw ‘dteehf’ ngah lehf ehf urh meehf neh gawv pooh

shurh hkawv nehv rgeh urh ahv, ahf nayf nauhv urh nahv hkauhv auhf neh, pyoohf gawv pooh hkoeuhf hkmmv yoeuhf byauh jeehf rgeh urhv meh.

Beeh sheehf urh lehf peehf yah ahv mah urh meehf hkauhv auhf beeh lay urhv ghkawxv mahv sheehf urh dteh xv-ehf' mahv ngurhf, pyoohf rgawv myah neeh lah meeh awf pahf rgohxv dohxf lay nyah urhv meehf neh teehv gahf mahv sheehf nahf teehv gahf yah beeh sheehf urh jayv ngahf lehf ahv yawxv urh ahv dah ahv mah noeuhv awf', ahv yawxv nyahxv urh ahv leeh auhf jah beeh oeuhv lauhv jawf gahf jeehf jyohxf pahf beeh rgahxv layf urh meh. Turh meehf neh, ahf nayf nauhv ghkawxv jah beeh oeuhv lauhv jawf gahf jeehf jyohxf chaw layf urh meh.

Ahv yawxv lay gkurhxf ngeh, yah hkawv gawf mauhf bahxv hawf dawf loohxv urh jah beeh oeuhv lauhv urh mehv mauhv ahv rgoeuhv lmmf byauh urh meh. Ahf nayf zahv nauhv jeehf jah beeh oeuhv lauhv auhf, jeehf jyohxf beehxv ghkohxv lah xv lehf shahf urh meh. Mahv jyahxf urh jeehf jyohxf chaw layf urh meehf neh nuuh mah pehf lahf awf, jah beeh oeuhv lauhv ahf nayf zahv auhf dzahv urh lehf rgeh urh meh. Ahf nayf nauhv jeehf ahv yawxv auhf mahf deehf dzahv lahf urh jayv ngah lehf noeuhv hawf, jah beeh oeuhv lauhv auhf nyehxv hawf byohxf leh joeuhv dzeh rgeh urhv meh.

Jah beeh oeu hv lauhv jeehf goohxf lahf awf”, jeehf jyohxf mahv dahxf urh ghkawxv ahf nayf nauhv auhf pyoohf rgawv myah neeh beehxv nehv urh meh. Ahf nayf nauhv jeehf pyoohf hkoeuhf durhv dawv dtawxf ahv yawxv urh nahv bawf hkauhv auhf shehxf auhf jeehf-awf” ahv yawxv urh ahv dah ahv mah jawf gahf ohxv eehf urh meh. Teehv hkehv pahf jawf nahf, ahv yawxv mahxv goohxf duuh duuh lahf urh meehf neh nauhf mah bah lah auhf jeehf dzohxf chaw layf awv lehv pahf hkehv urh meh.

Hkoeuhf meehf neh, ahf nayf nauhv ahv, ahv nyohv rgoeuhv mawf seh xv awf shahv dzahv kah urhv meh. Ahv yawxv shahv dzahv kah ngeh jawf lah shahxf cheehf yawf teehv jayv auhf shahv dzahv mahv kah ohxv urh bahf neh, nahf mah bah lah auhf dahxf layf urh dawv dzmm tsohxv hawf dahxf layf neh jawf, nahf mah bah lah auhf mahv lay gkurhxf urh meehf nahxv-ehf” lah shahxf cheehf yawf dawv dzmm bauhv auhf dtohxf ghkeh xv urh meehf neh mmv auhf neh gah lay hawf, hurh bpohxf jawf ahv, mahf deehf gah seh xv urh meh.

Pahv Buuhxf Yahf Hkahv Dahf Urh:

Hkoeuhf ngeh ahv nyohv mah teehv mawf, ahv nyohv lah xv heehf zahv zaw-ehf muuhv urh teehv mawf rgaw urhv meh. Ahv yawxv ahv nyohv zahv auhf hkahf leh xv urh yaw jyawxv durhv auhf,



mehv lahf neh myurhvx shawf awf, lauh dawv peh shurhv rgeh awf eehf chjoohvx dawf-urh hawf-urh, dzahf dzahv urh mehv nehv eehf urh meh.

Teehv nauh zawf huuhv urh ahv nyohv lahvx heehf teehv mawf oeuh dohxf-awf, ahv nyohv zahv hkoeuhf mawf ahv yawxv urh zahv lay lehf pyehf gurhvx lay urhv meh. Ahv nyohv mah mawf ghkawxv, nuuh hkauhf mahv sheehf choehf urh meehf neh, bawf tsauhv jayv zahv durhv koohf uuhvx jeehf-awf, gahf gkawxf hkoeuhf auhf beeh dahf lahf urh meh. Uuhvx lahf urh, yah mah, nehvx nyohv, zahvx tayv, hkahv hmmm, hkahv lahv hkahv tsehxf hurh durhv beeh dahf urh ghkawxv mahv dahf tsahv nyah ah.

Ahf nauh bah ahv nyohv mah hkoeuhf mawf, tsawf ghkahxf ahv dah gurhvx awf jawf loohvx urh pahv buuhxf teehv mawf auhf koohf lahv eehf urh meh. Koohf gkurhxf eehf nahf teehv jayv eehv mahv ehf neeh, teehv bpohxf dtehvx-ehf', ahv nyohv mah mehv nauh chaw teh lahvx urh meh.

Lahf gkurhxf urh nahf, pahv buuhxf mawf dawv mahv ngehv neeh, yah hkawv gawf loohv tsehvx awf, meehv dzahv tsawv booh dawv peh, yoohvx yoeuhf ngurhf ngurhf ehf jawf loohvx urh meh. Ahv yawxv auhf goohxf urh meehf neh pahv buuhxf turh mawf dawv mahv ngehv urh jayv ngah lehf ahv nyohv lahvx heehf mawf

ahv yawf yawxv noeuhv-awf ehf nehv urh ahv, “Pahv buuhxf ohf, tsawf ghkahxf ahv dah gurhvxv tahv urh burh tsahv mahxv tsahv ghkawxv, teehv dawv nyeehv dawv ngehv awv lawf” lehf meh.

Hkahv pahv buuhxf myahxf nuuhxf byeh mawxv mahv byeh mawxv-ehf ehf ghkohxv urh ahv, “Meehf chjeehxv ngahv urh ahv dah zahv baw gahf, ngehv rgeh rgeh ehf jawf urh meehf neh, mahv yah yoohxv ghkahxf ehf yoohxv yoeuhf ngurhf layf meehf-ah tawf” lehf meh.

Pahv buuhxf urh dawv auhf gahv nahf ahv nyohv lah xv heehf ehf urh ahv, “Tsawf ghkahxf ahv dah mah lehf ehf awf, tsawf ghkahxf ahv dah dawv mahv ngehv nyah nawf ahv, ahv jyohxf ehf nawv urh ahv dah zahv baw nyah tah,” lehf goohf urh meh.

Hkoeuhf nahf, hkahv pahv buuhxf mawf myahxf nuuhxf rgawf guuhf awf, ahv yawxv urh hkahv meh auhf tseh xv loohxv urh, gawf loohv ahv nyohv lah xv heehf mawf auhf toeuhv tsohxf tahv awf ehf urh “Turh loh xv ehf mahf eehv, nawf tsawf ghkahxf ahv dah pyurh xv urh ahv nyohv lah xv heehf zahv, ahv jyohxf ehf rgaw nyah gahf ehf tay” lehf nahf hahv urh meh.

Hkahv pahv buuhxf dawv hkoeuhf dawv neh ahv nyohv lah xv heehf auhf rgahv layf urh meh. Ahv nyohv nyohv zahv ahv nyohv

mah auhf shurhv ghkohxv nehv awf, lahv hkahv teehv chehf dzahf dzahv dzahv ehf rgohxv eehf urh meh.

Ahv Leeh Ahv Mah Auhf Hkehv Urh Gahf Gkawxf

Gahf hooch bah, meehv choehv meehv mah teehv rgahv, ahv leeh teehv leeh dtehxv ehf chooh awf jawf urh meh.

Tsauhv gahxf yahmv auhf, ahv yawxv urh ahv leeh yaw gahxf gahxf gahf goohxf urh meehf neh, oohxv chjeehxv sehfv rgauhf ghkawxv ahv mah rgahv toohf-awf meehv dzahv baw dohxv nehv awf meehv dzahv beeh lmmf urh meh.

Jawf lah dohxf lay ngeh, zahv auhf nahf tsahf lawxv zaw gahf goohxf urh meehf neh, ahf bawf nahf shmmf jawf neh mehv tsoehv goohxv urh meh.

Ahv leeh ahf chjuuhxf dtehxv ehf dzahv nahf ahv mah rgahv nuuh mah mahv muuhv ah. Rgawv myah neeh yah beeh dzahv nahf, lahv hkahv chehf urh meh.

Yaw myauhf mahv rgeh ehf ahv yawxv urh ahv leeh zahxv dahxv dahxv lahf urh meh. Zahv rgahv deh yahf tsehv eehf ngeh mahv ehf, yawv yawv jayv mmf eehf ngeh ghkawxv muuhv, teehv nauh

nyeehv bpohxf hawv chooh shah nehv urhv meh.

Ehf ghkawxv ahv yawxv urh ahv leeh ahv, nuuh mah mahxv muuhv ah. Hawv shah layf urh ah chjuuhxf lay nahxv nahf, mahv meh xv lahf urh meehf nah-ehf lahf ngah lehf dehv urh meh. Ah chjuuhxf lay myah nahf, lahf myah ngah lehf ahv yawxv urh ahv mah auhf deehv urh meh.

Teehv nauh, ahv yawxv yahf tsehv jeehf-awf, hawv shah lahf gahf dawv loohxv ngeh, ahf jeehf bauhv auhf, ahf jeehf zahv oohf gahf yah mawf urh meh. Ahf jeehf zahv hkoeuhf durhv chjahxv hmm mahv tsohxv rgoeuhv lay ah seehv. Ehf ghkawxv, ahv mah mawf auhf dzahf shahf dzahv duuh duuh loohxv meh.

Turh ngeh, ahf jeehf ahv mah mawf mahv yah nahv neeh, zahv durhv auhf dzahf shah nehv shah nehv ehf jawf gahf, ahv leeh rgahv yah mawf ngeh jawf, ahv yawxv urh nuuh mah noeuhv pahf lahf awf, ahv mah auhf noeuhv gahv lahf urh meh. Ahv yawxv hah yaw nyeehf ngeh, ahv yawxv auhf ahv yawxv urh ahv mah, hkoeuhf loh xv-eh shahv huuhv urh ngahf lehf ahv yawxv urh nuuh mah lahv hkoeuhf noeuhv dohxf lahf urh meh.

Hkoeuhf ngeh, ahv yawxv urh ahv mah auhf hawv peeh chaw eehf urh lehf, ahv yawxv urh ahv mah gahf pehf oeuh loohxv



ngeh jawf ahv yawxv chjehxf rgeh urh meh. Ahv leeh chjehxf layxv gahf yah mawf ngeh, ahv yawxv auhf pahf deehv lay urh jayv ngah lehf doohf-awf, ghkaxf kahf peeh dzeh awf neh, ahv mah rgahv chjehxf urh meh.

Ahv leeh rgahv ghkawxv ahv mah auhf tahv chjehxf lehf goohf goohf ehf chaw teh loohxv meh. Ehf ghkawxv, noeuhv goohxf loohxv urh meehf neh, ahv mah rgahv pahf chjehxf duuh duuh urhv meh. Turh loh xv ehf chjehxf loohxv ngeh, ahf ghkohxv ghkawxf lahf shaw urhv gahf zahv neh mahv pahf beeh deehv mawxv myahf lehf nuuh mah lah xv hkoeuhf noeuhv dohxf lahf awf pahf chjehxf duuh duuh urhv meh.

Lawf bahv lawf dzayf chjehxf gkurhxf layxv ngeh, ahv yawxv urh zahv teh meehf lay shaw urhv jayv myahf lehf noeuhv awf, teehv bpohxf dtehxv ehf lawf bahv auhf tsawv bpohxv rgeh urhv meh. Ahv leeh rgahv lawf bahv auhf oeuh gkurhxf ngeh jawf, ahv mah rgahv uuhf chjoohxv neh dauhv byohxf shaw urhv meh. Ahv leeh rgahv teehv bpohxf dtehxv ehf, lawf bahv auhf tsawv bpohxv-awf burhv burhv ehf ahv mah auhf bpohxf urh meh. Ehf ghkawxv ahv mah auhf mahv pahf bpohxf mawf nyah urhv meh.

Dahf kawv teehv hmmv auhf burhv zahv awf ahv yawxv urh eehf kauhf auhf bahxv ghkohxv lah xv urh meh. Dahf kawv hkoeuhf

hmmv ahv, ahv yawxv ahv mah urhv gawv yoeuhv ngah lehf dawv
dahv dahv dahv-ehf, ahv yawxv urh rgohxf hkehv auhf tsohxf
toohf tahv urh meh.

Ahf Hooh ahv Kahv Sauhv Bohxv Zah Urhv Gahf Gkawxf:

Ahf hooh bah ahv kahv zahv teehv rgahv Ahv poeuhv meehv yehf
jawf gahf lay dohxf urh meh. Nawv auhf sauhv bohxv mahv
gurh xv mawxv nyah loh f lehf Ahv poeuhv meehv yehf nahf hahv
urhv meh. Gurh xv mawxv meehf ah ngahv mah ngahv dah jawf
gahf nahf hahv eehf lah. Eehf noh lahv lahf mah lehf ehf nehv
awf rgoh xv eehf urhv meh.

Gahf pehf murhv surhv zahv teehv rgahv auhf tauhv poohv awf
Ahv poeuhv meehv yehf sauhv bohxv rgohxf haw urh meh lehf
ehf nehv yah xv urh meh. Murhv surhv zahv hkoeuhf rgahv beehv
chmmv zahv auhf pahf dzawf nehv eehf urhv meh.

Beehv chmmv zahv hkoeuhf rgahv Ahv poeuhv meehv yehf jawf
gahf lay dohxf urhv meh. Gahf mah mahv dauhf gahf mauhv teh
awf ahv jyohxf ehf lah f dohxf tay lehf Ahv poeuhv meehv yehf
nahf hahv urhv meh.....

Nawv urh sauhv bohxv yah guuh nahf gahf mah mahv dauhf neh

ahv, teehv jayv eehv mahv ngurhf ahf. Gahf mah jyehxv mah lehfv ehfv nehv urhv meh. Turh meehfv neh gahv lahv hkahfv jawfv gahfv gahfv mah dauhf urh meh.

Ahv kahv zahv Ahv poeuhv meehv yehfv jawfv gahfv sauhv bohfv pahfv shahfv layfv ngeh jawfv ahv chawv neh tawv gurhfv jeehf urh meh. Gurhfv mawfv nahfv ahv nyohv bahfv ghkoxfv auhf bohfv nehv mah lehfv ehfv nehv urhv meh.

Ahv nyohv bahfv ghkoxfv hkoeuhfv dtahfv bohfv nehv urh sauhv bohfv hkoeuhfv yoohf awfv rgohfv layfv ngeh ngah bawfv durhfv tsehfv ghkawfv dohfv lahf ngah. Ahv kahv sauhv bohfv peeh loohfv urh goohv ngah lehfv ehfv nehv urh meh.

Teehv hkehfv pahfv rgeh nahfv ahfv kah nyehfv awfv bpuuhfv ghkawfv nayfv hohv neeh mahv jyahfv layfv ngah. Ahv kahv dzoeuhv dzahv peeh loohfv urh goohv ngah. Bpuuhfv dzahv kahfv urhfv lehfv chawv urhv meh.

Hkoeuhfv ngeh nuuh mah auhf shahfv dawfv dtehfv ah lehfv ehfv awfv ahv nyohv bahfv ghkoxfv sauhv bohfv hkoeuhfv bpuuhfv dzahv urh meehfv neh ahv kahv sauhv bohfv byohfv awfv ahv kahv zahv dzoeuhv dzahv mahv pahfv ohfv urhv meh.

Gahf pehf lawf bahv teehv gawxf auhf eehf chjoohxv ghkawxv dawf urhv meh. Hkoeuhf nahf lawf behf behf lay jeehf awf eehv nauh gkurhxf neeh yah shahv loohxv urh meh jayf.

Sauhv bohvx mahv seehv nyah urh ahv bawf Hahv urh gahf gkawxf

Ahf hoox ahv bawf Hahv lehf koohf urh teehv rgahv jawf urh meh. Ngahf nahxf mahv tsayf tsawf gauhf auhf urh tsawf hahv mahv pahf jawf ah lehf ahv yawxv ehf urh meh.

Teehv nauh gkurhxf lay nahf beehv chmm sauhv pahv sauhv bohvx teehv dtahxv yoohf awf zawf seehv nyah urh lohvx ehf haw loohxv urh meh. Hkoeuhf ngeh Sahf zeehxv ahv Bawf Hahv jawf gahf oeuh urhv meh. Ahv bawf Hahv sauhv bohvx tauhv bpohxf ehf yoohf hawf guuh loohxv gahf Sahf zeehxv yah mawf urh meh. Hkoeuhf nahf Sahf zeehxv hkmmv mahv teehv hkmmv yoohf awf hkmmv mahv urh dauhv dauh paw eehf chjoohxv shehxf auhf urhv meh. Hkmmv mahv tauhv bpohxf ehf cheehv awf ahv bawf Hahv auhf eehf chjoohxv dawf awv lehf cheehv nehv urhv meh. Ahv jyohxf ehf hkmmv mahv tauhv bpohxf paw neh eehf chjoohxv hkahf nehv tay Zeehxv oh? Tsawf hahv urh zauhf jeehf mahv ngurhf ngah tawf. Yaw oohv ngahf Zeehxv ohf lehf nuuh mah pehf duuh duuh awf dehv urhv meh.

Ahv bawf ohf sauhv bohvx tauhv bpohxf ehf guuh urh ahv tsawf

hahv urh zauhf meh loh? Nawf sauhv boh xv tauhv bpohxf ehf
guuh urh meehf neh eehf chjoo xv ghkaw xv tauhv bpohxf ehf
moh xv tsauhv paw neh dawf urh pahv ngah lehf noeuhv awf hkahf
nehv urh mah lehf ehf ghkoh xv nehv urhv meh. Hkoeuhf ngeh
ahv bawf Hahv zawf shah xv eehf urhv meh jayf.

Chapter 5

Ahv Peehv Nyeefh Pahv Meehv Shuuhxv Urh Gahf

Gkawxf:

(A Nyeefh Pah's Story)

Ahv peehev Nyeefh pahv Meehv Shuuhxv ahv Mahm murhv paw jyahxf urh, Murhv Lahv murhv urh lahv dtahxf paw dehxy lay urhv tsawf hahv meh. Murhv Lahv murhv ahv lahxy Buuhv meeef hkauhv nehv-ehf' dtawxv dtawxv-ehf' jyahxf urh meh. Huuhv lahf neh jawf dtehxy-ehf Murhv Taihv meeef hkauhv auhf pawf auhf lay urhv meh. Tsuuhxv nuuhxf ngahv tsayf rgoeuhv ghkohxv Byauh urh meh. Ahv yawxv hah neh dehxy lay urhv (36) smmv tsayf ghkohxv ghkohxv ghkawxf lahf nahf peeef shawf tayv hawf mmf dzahv dahxf layxv urh bahf dah neh, ahv peehev Nyeefh Pahv hkeh neh, dzoeuhv mmf loohxv urh (23) nyeefv tsayf smmf ghkohxv byauh lahf shaw urhv meh.

Hurv myahxf ghkohxv mmf dahxf layxv urh ahv, tsawf hahv zahv, zahv muuhv jawf sahv beeh dohxf urh rgahf doohv, ahv yawxv hah neh mmf nehv shahf nehv urh mahv dtehxy meh. Hurv myahxf ghkohxv hurv myah lah mmf kah shahf kah layxv urh ahv peehev nyeefh pahv, eehxv nauh mahv pahf mmf neeh pyurhxv shaw urh meh. Ahv jayv bahf neh ah? Eehv nauh ahv yawxv



hah jawf loohxv urh Hoh Meh Hkohm lehf koohf urh pooh lahxv
hkoeuhf dzoeuhv mmf loohxv urh dzoeuhv mah ahv zawf rgahv,
sheehf hawf, zauhf peeh ghkohxv peeh peeh nyah urh tsawf hahv
mahv pahf jawf lehf rgeh meehf, zauhf mahv tawv luuhxf nyah-
ehf' pyurhxv lahf hawf, hkahf shaw urh zauhf auhf tawv urh
mah lehf ehf neh, Yayv Soohxf zahv lauhf gurhxv jeehf shaw urhv
meh. Mahv rgeh nyah meehf, yawv rgahv nah zauhf shuuhxv
pahf eehf jeehf shaw urhv nahf, ahv yawxv teehv rgahv dtehxf-
ehf' yaw dohxf dohxf-ehf dzayf lahf shaw urhv meh. Ahv chawv
cheehv rgoeuh lay ghkawxv, mmf burhf lehf gahv ngeh, ahv cheehf
chooh neeh mmf dayv nyah urh jayv mahv ngurhf; pahf mmf nahf,
ahv chawv zauhf shuuhxv tawv loohxv urh durhv urh gauhf cheh,
mahv tsahv mahv dawf urh jayv mmf urh loohxv-ehf' pyurhxv
shaw urh meehf neh, mahv mmf urh hmmv muuhv dzehv gahf
doohf urh meh. Pooh ahv yuuhxv ahv tsooh durhv ghkawxv, ahv
chawv yawv rgahv nah beehv dzeh urh ahv, nawf ghkawxv beehv
dzeh yawv lehf pahf ehf urh meehf neh, lahxv yehv pehf tauhf
mahv beehv dzeh urhv ghkawxv, dzoeuhv mahv mmf dzahv neeh
yah nahv shaw urhv meh. Yaw muuhv ehf shahf noeuhv nahf,
nuuh mah teehv bpawxv eehv mahv muuhv pahv-ehf rgeh urh
meh.

Turh myahxf ghkohxv turh myah lah mmf dahxf layxv urh ahv
peehv nyeehf pahv urh zahv seehv, baohv turh, yaw awv awv-

ehf' zah urhv mahv ngurhf urh meh. Ahv yawxv hah neh ahv jyohxf-ehf' shahv, ahv jyohxf-ehf' zauhv hawf neh zah urh gahf gkawxf ahv yawxv hah neh hkahf dzawf nehv lah xv urh loh xv-ehf boh xv tahv urh mah. Ahv yawxv hah neh ngehv urh dawv ahv pyoohf teehv bahv shuuhf teehv muuhf poeuhv urh lay; pyoohf dawv shuuhf dawv ngehv urh mah lehf ehf neh, ahv yawxv hah neh nyeehf pahv surh dohxf urh shahv zauhv urh gahf gkawxf jah nehv lah xv urh meh.

Ooh xv shawv paw, ahv chawv yahf smmf eehf jeehf urh yahmv auhf, mm dtahxf urh tsawf hahv teehv rgahv ahv yawxv urh lah xv lauhf auhf nyeh xv tehv lay hawf, teehv tauhf teehv yahf tsayf nyeeh ahv jayv nawv auhf beeh xv nyahf lehf, smmv nauh mahv tsehxf layf neeh dawv tsawv poohv lay urhv meh. Turh neh jawf, ahv yawxv hah lah xv yehv ghkaw xv mahv lah chjeehxf nyah, baw surh, nauhf gawv, joohf sahv beeh xv lay urhv ghkaw xv mahv lah chjeehxf nyah urhv meh. Ahv yawxv urh zahv shahv yah xv gahf goohxf urh meehf neh, nyeehf pahv teehv bpaw xv eehv gurh xv maw xv urh mahv ngurhf ah. Yaw sauhf rgahv neh ehf lay urh gahf ghkaw xv auhf mahv tsawv jurhf nyah leh zauhv duuh duuh layf tahv urh meh. Turh neh jawf jeehf bahxf yoohf awf smmv gkawxf shurh gkawxf lay awf, chjeeh xv gkawxf peehf gkawxf auhf chauh yawv lehf pahf ehf lay urhv meh.

Turh neh jawf, ahv yawxv urh ahv boohf shahv gahf mahv haw choeuhf lahf urh bahf dah neh, ahv yawxv urh ahv mah ehf urh meh. Ahv chawv peehf mawv mahv sheehf ahv, mahv sheehf ahf; Chjeehxv mah peehf mah dtohxv zahf dtohxv yawv, Nyeehf pahv tsohxf yawv. Nawv urh zahv rgahv mahv yah dzahv yahf. Ahv chawv dzahv yahxv meh. Pyoohf shuuhf mahv loh xv nahf ahv yawxv, mmf byauh shahf byauh nehv jeehf mah lehf, ahv yawxv urh ahv mah rgahv beehxv duuh duuh urhv meh. Ahv yawxv urh ahv mah bahf dah neh ahv yawxv nyeehf pahv tsohxf nyah urhv ehf nahf jeehf mahv bauhv urh meh.

Nauh rgauhf nauh gahxf ehf, sah f soohv neeh nuuhf gawv shurh nehv lay urhv meh. Mahv jauhf rgeh neeh ahv yawxv neh beehxv lay urh nuuhf gawv hkoeuhf hah gurhxv yawv lehf pahf shahf lay urhv meh. Nauh rgauhf nauh gahxf ehf mmv auhf smmv bpohxf ahv yawxv auhf shurhv hawf zaw dahxf layxv hawf haw kah ghkohxv layxv neh, Nahv Lohf lawf bahv nahf guuhf lahv neeh yoeuhf yoeuhf ehf jyahxf gahf yah mawf urh meh. Turh loh xv ehf zaw loohxv neh jawf ahv yawxv auhf shurhv lahv lay urhv yaw sauhf rgahv teehv kauhf, ahv yawxv teehv kauhf lehf, nuuhf gawv nyeehv kauhf neh zaw urhv meh. Ahv yawxv auhf hkehf lay urhv yaw sauhf ahv, nahv loh f gawxf mehf auhf jawf urh tsawf hahv ngurhf urh jayv meh. Turh loh xv-ehf' pyurhxv loohxv neh jawf, teehv jayv eehf mahv mmf dzahv mahv ghkawxv

dawf nyah, meehf tsahv auhf ghkawxv mahv nawv tehv nyah neeh gah chohv eehf lehf, ahv yawxv urh zahv ahv jyohxf ehf beeh shahv yahxv urh lehf teehv nauh smmv bpohxf dtehxv-ehf myahxf beehf mahv dohxf ah. Nuuh mah noeuhv neh mahv ngurhf nahf, rgawf mawf shahv goohv shahv lahxxv mahv dehxxv neeh pyurhxv shaw urh gahf doohf urh meh.

Turh lohxxv-ehf' shahv rgeh layxxv urh peehf shawf tayv hawf neh dtehxv-ehf tsawf hahv pyurhxv lahf hawf, teehv ghkohxxv (14-15) bpohxf tohf urh tsawf hah meh. Teehv jawf eehv jawf nahv mahv yah mmf neeh, yah mmf yah shahf urh tsawf hahv meh. Ah yawxxv hah urhv gahf oohxxv dzauh teehv hmmv ahv pyahv gawf nahf gawf bpohxf tsayf doohv nehv layf urh gahf meh. Ahv yahxxv shahf urh rgahv auhf ahv yahxxv, yah chjeehxf shahf urh rgahv auhf yah chjeehxf, kuuhv shahf urh rgahv auhf kuuhv, chjeehxxv myehxxv shahf urh rgahv auhf chjeehxxv myehxxv, lehf mawv pyehxf yah pyehxf nehv meh. Zeehf mahv jeehf urh durhv auhf, yawv rgahv nah loohxxv auhf ehf rgahv neeh, lah tahv nehv nyah urh meh. Nyeehf pahv zahv hkah behxf yaw kauh lehf sawf tahv urh meehf neh, nyeehf pahv zahv haw nehv urh ghkawxxv, boeuhf mawv zahv durhv auhf beeh mmf byauh nehv meh. Ahv jayv meehf neh ehf nahf boeuhf mawv zahv hkah behxf yaw pyahf lehf sawf tahv urh meehf neh meh. Ehf mawxxv urh ahv, mmf poeuhv shahf poeuhv, mahv ghkahxf urh meehf neh, boeuhf mawv

peehf mah auhf cheehv rgoeuh urh myahv meh.

Yawv hah pyoohf shuuhf jyahxf mah, Nyeehf pahv zahv auhf myawv tsoeuhv teehv shehxf nyehxv dmm nehv nyah mah lehf nahf, ahv yawxv urh mawf doh ghkawxv mmf byauh nehv nyah urh meh. Mmf jeehf mmf byauh nehv layxv urh rgawv myah byauh lahf urh meh. Pyahv gawf nahf gawf bpohxf tsayf nehv urh dtehxv-ehf mahv ngurhf, zahv mmf zahv shahf ahv mah jawf gahf zahv shahf nehv urh jeehf rgawv myah byauh lah urh meh. Turh meehf neh ahv yawxv hah neh shahf chooh nehv urh zahv rgawv myah deh xv looh xv meh. Ahv yawxv hah bahf dah neh sheehf pahv-ehf rgeh urh durhv mahv sheehf neeh, yah deh xv looh xv urh ghkawxv rgawv myah jawf urh meh.

Turh loh xv-ehf nyeehv tsayf smmf ghkoh xv tsawf hahv zahv urh rgahf doohv, yaw muuhv yaw jahv dtehxv ehf mmf nehv urh ahv peehv Nyeehf pahv, eeh xv nauh, tsawf hahv zahv auhf mahv pahf chaw jaw nyah neeh pyurh xv shaw meh. Ahv yawxv urh pooh zahv deh zahv durhv zauhf shuuh xv tawv pahf jeehf shaw urh meehf neh, ahv yawxv dtehxv ehf yaw doh xv doh xv-ehf dzayf lahf tahv urh meh. Ahv peehv Nyeehf pahv ahv, ahv deehf ahv mahf yaw sauhf durhv nehv-ehf dawv ngeh v chawv nyah urh tsawf hahv teehv rgahv meh. Eehv nauh ahv yawxv urh zahv sehv, ahv yawxv urh deh xv jayv deh xv gkawxv ahv, dauhv eehf jeehf